

նամայ յորելինի նորին. Թ. 1297:


— Օրհնութեան և զոհունակութեան յանուն լուսանկար Գրիգորի Ե. Բարսեղանցի Տփլիս. Թ. 1306:

— Օրհնութեան յանուն Կոստանդինի Թաղոսեան Գրիգորեանց Ալէքսանդրապօլսոյ. Թ. 1325:

— Օրհնութեան և զոհունակութեան յանուն Վարդան աւագ քՏՅԻ Արմաիր աւանի յաղագս բաղմամեայ ծառայութեանց նորին. Թ. 1410:

Յաւակցութիւն

Կոնդակ ցաւակցական յանուն Ամեն. պատրիարքին Կ. Պօլսոյ վասն մահուան Տ. Սոբէն եպս.ի Ալըքեան. Թ. 1281:



ՄԱՆՆԵՐԻ ՊԵՏԵՐ ՀՈԳԵՆՈՐ ԱՊՊԵՐԻՉՈՒՄ:

«Հոռնմի րազում են: և մշակ սակաւ, աղ, աղակցեմ գեղ հեծոց, զի հանցե մշակս ի հոռնմա իւր»:

Մատ. Թ. 37—38.

Աւետարանի շատ խօսքեր մեր ականջին այնպէս են հնչում ինչպէս այսօր տուած լինէին մեր ժամանակի համար: «Հոռնմ րազում են և մշակ սակաւ», ի՞նչ միտք չեն գալիս այդ խօսքերը, երբ օրինակ փողոց է ելնում կիւրակէ, ձմեռուայ պարապ մի օր և տեսնում է պատերի տակ նստած շարէ շար մարդիկ անգործութիւնից յօրանջելիս կամ մի տեղ հաւաքուած անվայել արխօսութիւններ, վէճ ու բամբասանք անելիս և ոչ ոք նոցանից չի մտածում եկեղեցի գնալ, մանում է եկեղեցի և չի զանում այնտեղ ոչինչ, որ հոգի բարձրացնէր ու սիրա կակղացնէր. կարդում են ճշմարտութեան ու յաւիտենական կեանքի աւետարանը, եր-

բում նախնեաց հոգեշունչ երգերը և կատարում սրբազան խորհուրդներ այնպէս, որ իմաստ ու սրբութիւն նոցա մէջ չի մնում և միայն տանեակ տարիներով վարժուած աչքերն ու ականջները նոցա զայլակղեցուցիչ երեղթն անուշաղիւր թողնել և ջերմեռանդ երկեղածութեամբ նոցա խորքում հոգեոր սնունդ որոնել կարող են: Որ կողմն և աչք ես դարձնում կրթութիւնից զուրկ, մատաղաշ հասակից արդէն մանկական անմեղութիւնը կորցրած և ստոր հակումներով առաջնորդուող նոր սերունդն ես առնում թէ կոպիտ ժամանակների կոպիտ բարքերի մէջ ծնուած և ծառայական ոգեով ու մաշկ նախապաշարումներով սնուած հին սերունդը կարճամիտ զիւղացուն թէ խորամանկ քաղաքացուն, անուսում գոհհիւն, թէ գոհհիւ ուսումնականին՝ ամենուրեք ամայութիւն է հոգեոր և բարոյական անկում: Եւ սակայն որպիսի առատ հունձ երկնքի արքայութեան մշակների համար. քանի՞ քանի պապական լեզուներ կան և այրուող սրտեր այս անապատում որոնց եթէ աւետարանական ճշմարտութեան մի կաթիլ ցօղը զիւղէր՝ կրացուէին կուռձանային, կպտղարերէին—երեսնուոր, վաթսունաւոր և հարիւրաւոր պտուղ Աստուծոյ արքայութեան շտեմարանների համար: Ընչու պակաս են, չկան մշակներ, որպէս զի հոգիների այս անապատը մշակեն և պատրաստի առատ հունձը շտեմարան ժողովն: Ի՞նչ անենք, որ լինին և բողբոսնան այգիսիները.—պատտախանը վերեւ յառաջ բերած խօսքը տալիս է. աղաչեմք հնձի ծիրօք: Անգործական և գլխի տակ կակուղ բարձ դնող մի դարձուած չէ այդ, ինչպէս կթուրի գուցէ շատերին, այլ կրկնակի զրական և խնդրի ամբողջ էութիւնը պարզող ճշմարտութիւն է բովանդակում: Ծախ որ՝ հնձի ծէրն լնքը պէտք է մշակներ հանէ. մինչև կոչումն ու ազդումն չլինի ի վերուստ, ամէն մարդկային աշխատանք զուր է, իսկական հոգեոր մշակութեան գործն այս աշխարհում պահպանելու և յառաջ վարելու համար. և ապա՝ մենք գործի այսպիսի բնաւորութիւնը լաւ պէտք է բմբռնենք և բուն ազդիւրին դիմենք, համազուած միշտ, որ մինչև բուռն կերպով կարիքը չզգանք,

հետամուտ չլինինք և սրաի մտօք աղաչենք լցուցանողին, չեն ելնի մեր միջից վերին կուշումն ընդունելու պատրաստ մարդիկ:

Երբ քրիստոնէութեան տարածման մասին խօսք է լինում՝ մենք սովորաբար հարցնում ենք զարմացմամբ, ինչպէս մի փոքրիկ խումբ անուսում անզէն, արտաքին ամէն ճոխութիւնից ու կարողութիւնից զուրկ հրեաներ ընդարձակ երկիրներ նուաճեցին յանուն իրենց Տիրոջ: Պատմութեան ամենազարմանալի երևոյթներից մէկն է այդ յիւրաքանչիւրի որի գաղանիքը մեր սովորական միջոցներով քննել ու պարզել չենք կարող պէտք է ընդունենք յամենայն դեպս որ եթէ Բրիտանոսի առաքեալներն աւելի զօրեղ գոնուեցան քան նոցա դէմ կռուող աշխարհը, նոցա մէջ երեւի մի գաղտնի զօրութիւն կար՝ աւելի կարեւոր քան ուսումը: Հարստութիւնը, ոյժը, որոնք շրջապատող աշխարհի առաւելութիւնն էին կազմում: Խնդիրը նորանով չի պարզուի որ այդ յաղթական զօրութիւնը գաղափար ճշմարտութիւն, բարոյական նութիւն անուանենք՝ հասարակ աշխարհային մտքով, այդ մտքով գաղափարի ու ճշմարտութեան ծառայող, բարոյական գործեր կատարող մարդիկ հրեաների ու հեթանոսների մէջ ևս շատ էին: Բայց նոցա պաշտպանած գաղափարներն ու սկզբունքները առաքեալների քարոզութեան առաջ չդիմացան: Հնայելով որ արտաքուստ ըստ ամենայնի աւելի նպաստաւոր պայմանների մէջ էին գտնուում: Առաքեալների մի առաւելութիւնն ևս այն էր հարկաւ որ նոքա կատարելապէս նուիրուած էին իրենց առաջնորդող գաղափարին, այնպէս նուիրուած, ինչպէս ոչ ոք նոցա հակառակորդներից: Մենք այժմ դժուար կարող ենք պատկերացնել մարդիկ որոնք բան ու գործ չունէին, առանց ոտնի առանց որեւէ ակընկալութեան, սար ու ձոր ընկնէին: զիւր ու քաղաք պտտէին, ամէն վտանգ ու նեղութիւն յանձն առնէին՝ քարոզելու համար միայն, որ Երուսաղէմում խաչուած Յիսուս մարդկութեան Փրկիչն է: Այդպէս են եղել Պօղոս, Պետրոս, Յովհաննէս առաքեալները, այդպէս էին անշուշտ նաև Հայաստանի առաջին լուսաւորիչները: Բայց այդպէս լինե-

լու համար համոզմունքի խիստ մեծ ոյժ է հարկաւոր: Հարկաւոր է որ առաջնորդող գաղափարն այնչափ կենդանի, այնչափ իրական լինի մարդու մէջ, որչափ սովորական մահականացունների մէջ սեփական անձի պահպանութեան զգացումը՝ ուտելու, խմելու, հագնելու պահանջն է կենդանի և իրական: Հարկաւոր է վերջապէս որ Նա կանք տայ մեր աւելի գեղեցիկ և կատարեալ կեանք, քան մեր բնական միջոցներով ձեռք բերել կարող ենք: Եւ ուր կարելի է այդպիսի բնութիւնից բարձր կեանքի համար հարկաւոր տարրերը գտնել, եթէ ոչ կրկին մի գերբնական աշխարհում: Ճշմարիտ կեանքի աղբիւր Աստուծոյ մօտ: Բրիտանոսի առաքեալների մեծարդիւն գործունէութեան գաղտնիքն հենց այդ է, նոքա մեր հոգագնդի վերայ շրջելով հանդերձ ապրում էին մի ուրիշ ի վերուստ բերած կեանքով և զիտէին իրենց անձի, իրենց գործի, իրենց խօսքի մէջ այնպէս պայծառ պատկերացնել այդ կեանքի վսեմութիւնը, որ ամէն մի նիւթականից բարձրանալու և վերինն ըմբռնելու ընդունակ հոգի պէտք է եմբարկուէր նորա հրապոյրին: պէտք է ցանկանար վերակենդանութիւն ստանալ այդ նոր կեանքի սկզբունքների համեմատ: Ուստի այսօր ևս մի ժողովուրդ բարոյապէս բարձրացնել, զազափարականն ու երկնաւորը՝ քրիստոնէական կեանքի սկզբունքները նորան մատչելի դարձնել ուրիշ կերպ կարելի չէ, բայց եթէ նոցա նման բարոյապէս զօրեղ անձնաւորութիւններ հանդէս բերելով, որոնց մէջ այդ սկզբունքները մարմին և արիւն են դարձնել՝ հոգեւոր մշակներ, որոնց Երկնաւոր Տէրն ինքն է ընտրել և ուղարկել իւր ազարակում աշխատելու, իւր պատրաստած հունձը ժողովելու: Եւ որպէս զի նոքա դան քւ բազմաթիւ լինին՝ մենք այսօր ևս նոյնը կարող ենք անել միայն, ինչ որ Փրկիչն իւր առաջին աշակերտներին էր պատուիրում: ազգիկ հնձի Տիրոջը:

Մենք յաճախ թերահաւատութեամբ մտածում ենք, եթէ Աստուած տալ կամենայ, առանց մեր աղաչելու էլ կտայ: Երբաւի շատ բան տալիս է Նա մեզ առանց աղաչելու: ամէն նիւթական բարիք մեր շուրջը առանց մեր կամքի է ստեղծուել և մենք

վայելում ենք չմտածելով Ստեղծողի և Նորա ողորմութեան վերայ. Նա երկնքի թըռչուններին անունդ է տալիս և դաշտի շուշանին հագցնում. թափում է իւր անձրեւը բալիկներին և չարերի համար հաւասարապէս. բայց բարոյական հոգեւոր բարիքը առանց մեր կամքի ստանալ մենք չենք կարող. Ո՞րտեղից է ինչպէս են նոքա գալիս՝ մենք ի հարկ է մեր բնական խելքով աւելի պակաս չափել կարող ենք. եթէ ինքը Բարի Աստուածը չըրերէր չմօտեցնէր մեզ, մեր սիրտն ու հոգին չուզէր այնպէս որ տեսնէինք և ծանաչէինք նոցա արժէքը՝ մենք ինքներս ամենեւին չէինք որոնի և չէինք գտնի. խնդիրն այն է, որ աչքի առաջ տեսնելուց յետոյ իսկ մենք ազատ ենք ընդունել կամ մերժել՝ ենթարկուել նոցա ազդեցութեանը և լոյլ տալ, որ ուղին մեր ընթացքը դէպի բարին, կամ հակառակել ու թաղուած մնալ մեղքի մէջ։ Մի քրիստոնեայ ժողովուրդ որչափ և կորցրած լինի իւր նախնի գաղափարական բնաւորութիւնը, ունի այնուամենայնիւ իւր ներսն այնչափ հոգեւոր տարրեր, որ առիթ չի պակասում նորան երբեք՝ երկնային արդարութեան հետ երկրաւոր չարիքը համեմատելու և մէկի օգնութեամբ միասի դէմ մաքառել աշխատելու։ Եթէ այդպիսի մաքառում մեր մէջ տեղի չունի, եթէ չարն անարգել արմատներ է ձգում, մենք զգում ենք նորա բռնութեան ոյժը, զգում ենք ինչպէս բարոյական կեանքի սաղմերը խեղդուում են մեր մէջ և փրկութեան ելք չենք գտնում՝ այդ նշանակում է միայն թէ տարօրինակ յամառութեամբ փրկութիւն որոնել չենք կամենում այնտեղ ուր պէտք է և ուր գտնել կարելի է։ Տարօրինակ է այդ յամառութիւնը, բայց անհասկանալի է։ Բրիտանեական պարտականութիւններից ազատ լինելու համար մարդիկ այժմ մի շատ դիւրին միջոց են գտել. համոզում են իրենց և ուրիշներին, թէ այդպիսի պարտականութիւններ չկան, թէ քրիստոնէութեան ժամանակն անցել է, նորա քարոզած սկզբունքները հնացել են և ներկայի համար այլևս արժէք ունենալ չեն կարող։ Իրօք այդպէս մտածել զրդողը շատ դէպքում մեր մարմնական, նիւթական զգացումների այդ պար-

տականութեանց դէմ ցոյց տուած ըմբոստութիւնն է։ Բրիտանեականութիւնը նեղ և անձուկ ծանապարհ է բանում մեր առաջ, պահանջում է վեր՝ միշտ դէպի վեր մագլցել վշտ ու տատակոտ շաւիղներով. իսկ մենք սիրում ենք հեշտն ընտրել և կողմնակի ծանապարհներով խոյս տալ պարտականութիւնից, կամ մեր մեղքերի բեռը շաւկած զառկայքն իջնել և արագ ու աւելի արագ դէպի վայր զորուել։ Մինչ եթէ հոգւոյ բաւականաչափ արիութիւն ունենայինք դէպի վեր դիմելու՝ այդ բեռը հեռահեռ է կթեթեւանար, աւելի ու աւելի ազատ կ'ընչէինք ու աշխոյժ կ'ստանայինք բարձունքին հասնելու։ Հոգւոյ արիութիւնը, բարոյական լըջութիւնը խիստ պակաս է ներկայ սերունդի մէջ, ուստի երբ խնդիրը բարոյական ցաւեր դարմանելուն է գալիս՝ մենք պատրաստ ենք ամէն միջոցի դիմելու, բայց ոչ բարոյականին և հոգեւորին։ Հոգեւոր ապարիզի վերայ մշակներ են պէտք, բայց մենք այդ պէտքը կամ չենք զգում, որովհետեւ մեր ուշադրութիւնը զբաւում է բոլորովին մարմնաւորով, կամ մտածում ենք աշխարհային կարողութիւններով զինուածների հրաւիրել այդ պէտքը լցուցանելու։ Զարմանալի է ուրեմն, որ հունձը մնում է, աւելանում և ոտքի տակ գնում իսկ մշակներ չկան հունձի Տէրը չի ուղարկում մշակներ, որովհետեւ մենք չենք խնդրում, կամ եթէ խնդրում ենք՝ չաբասար ենք խնդրում։

Պէտք է պարզ լինի մեր մէջ այս զիտակցութիւնը։ Ս. Թադէոս և ս. Բարդուղիմէոս առաքելների հաստատած եկեղեցին նոցա նման առաքելական կոչումն ունեցող պաշտօնեաներ է պահանջում, որպէս զի վերականգնանայ և բարձրացնել կարողանայ մեզ մեր անցեալ դրութիւնից, և այդպիսիների դոյութիւնը ներկայում ոչ անժամանակ է և ոչ աներեւակայելի։ Առաքելական կոչումը հարկաւ մեր ժամանակ արտաքուստ բոլորովին ուրիշ պահանջներ է դնում քան նախնի դարերում էր. բայց բուն նպատակին ծառայելու համար նա պէտք է նոյն աղբիւրից եկած լինի և նոյն հոգին ունենայ։ Եւ մենք պիտի այդ հոգին ունենանք, պէտք է գտնէ նորա վերանորոգող ու բարձրացնող զօրութիւնը ծանաչենք, որ

խակահան աղբիւրին դիմենք և աղաչենք՝ այդ-
պիսի հոգեով լի մշակներ ուղարկել։ Բայց չենք
ձանաչում և իսկապէս հոգեւոր մշակների կա-
րօտ անգամ չենք զգում։ Խօսում ենք յիրաւի
շատ նոցա մասին, բայց առանց լրջօրէն մեզ
հարց տալու, թէ ինչի համար են և ի՞նչ պա-
կաս պէտք է լրացնեն։ Մենք այնչափ նիւթա-
կան ու մարմնաւոր ենք դարձել, որ նոցանից
սպասած հոգեւոր գործը այլևս անհրաժեշտ
տարր չէ կազմում մեր կեանքի։ չլինի էլ կար-
ծում ենք, կկառավարուենք։ Եւ սակայն ան-
հրաժեշտ է այն. անհրաժեշտ այնչափ, որ ա-
ռանց նորա մեր մարմնաւոր բարիքն ևս հաս-
տատութիւն ու տեւականութիւն չի ունենայ։
Ժամանակ է, որ զգանք ու հասկանանք այդ,
և խնդրենք հսձի Տիրոջը, «դի հանցէ, մշակս
ի հունձս յուր»։



ՔՐԻՍՏՈՍԻ ԺՆՈՒՆՓԸ*

«Եկա՛յ Երրիցո՛ւ միև, և ցիւրդնեմ, և
սեւցո՛ւ զիմ և քան այս որ եղի»։

Դուդ. Բ. 15.

ՍԻՐԵԼԻՔԻ, եթէ կարծէք, թէ կարճ քարո-
զը Քրիստոսի ծննդեան տօնին չի պատշաճի հա-
պա ուրիշ ի՞նչ քարոզ շահաւէտ կարող է դառ-
նալ այս օրուայ համար, քանի որ ոչ մի բառով
չի յայտնուի այն սրանչիւի մեծութիւնը, թէ
Աստուած մարդ դարձաւ և թէ մարդը կարող է
աստուածանման դառնալ։ Մի քանի աստուա-
ծաբաններ իրանց նեղ հայեացքով մարդեղու-
թեան խորհուրդը կապել են միայն մեղանշու-
թեան կամ պատուիրանազանցութեան հետ։ Բայց
աւելի ճիշդ է հին Հայրապետների գաղափարը,
որոնք մարմնաւորութիւնը մարդու ստեղծման
օրինակ են համարել և այդ բանով բացատրել են
համայն գոյութեան խորհուրդը։ Նոքա մարմնա-
ւորութեան մէջ տեսնում էին կենաց, բնութեան և
տիեզերքի անդ առեղծուածի լուծումը։ հաւատոյ
աշըով թափանցել են աւելի մեծագոյն խորհուրդ-

ների խորութիւնների մէջ, քան ինչ որ նշմար-
վում է երկրի տաղտուկ մակերևութի վերայ,
տեսել են յուսոյ կայծեր, որոնք փայլում են
մեր պարտականութիւնների և զուարճութիւննե-
րի ձանձրալի հանապազորդութեան մէջ։ Այս
տեսակետով հասկանալի է դառնում, թէ իրօք
մեծամեծ գորութիւնները միշտ գործում են ու-
նայն և սնափառ ձգաւմաների հետ կից ընդ կից,
թէ թշուառ մարդկանց չարչարանքները ներկայ-
ացնում են այն կենաց փոքրիկ փլատակներ, ո-
րով ապրել է Յիսուս Քրիստոս երկրի վերայ, որ-
պէս աղքատ մարդ։ Մենք խմանում ենք, որ աշ-
խարհի բոլոր անհուսաւորութիւնների վերայ,
բոլոր սոսկալի ներհակութիւնների վերայ, որով
գործւում են յուսահատ ոճիրներ, երևում է
Աստուածային փրկագործութեան հետք, այնչափ
խոշոր, որչափ երկինքն է, այնչափ պայծառ,
որչափ արեգակն է։ Այս հայեցուածով Ծննդեան
տօնը ուրախութեան հաւաստիք է, անհուն ան-
սահման ուրախութեան առհաւատչեայ է։ Մենք
այժմ ունինք այն մարդարէութեան ստուերը, որ
մի օր լիուիլի պիտի կատարուի մեր ժամանակա-
ւոր աշխարհից այն կողմում։ Մեր տների զարգա-
րանքը, եկեղեցիների ճրագալոյցը, դանդաղների
զոզանջիւնը, ապա ժպտուն դէմքեր, քաղցր ա-
ւետիսներ, երգեր, ուրախ խմբեր, տօնական
զրուեր (երանի թէ այսպիսիների թիւը շատ լի-
նի),—այս ամէնը լոկ թոյլ նշաններ են առելի
խոր իսկութեան, այս ամէնը երկնային հրեշտակ-
ների օրհնեղութեան լոկ արձագանքներ են, որ
հեռուից լսելի են երկրի վերայ, այս ամէնը ծննդ-
դեան այն առաջին հոյակապ երեկոյի լոկ ցոլացած
ճառագայթներ են, երբ որ երկինքը բացուեցաւ
ճշմարիտ լուսոյ ծագման համար։ Փոյթ չէ, գոհ
լինինք նաև այդ չափով, գրկաբաց ընդունենք
այդ պարզեւ, միայն թէ բերէ խաղաղութիւն,
յոյս և նայն իսկ ուրախութիւն վշտացած և թե-
րահաւատ սրտերին։ Տէր Աստծու ճանապարհ-
ներն այլ են, և բացէիքաց նման չեն մարդկային
մուրաբ ճանապարհներին։ Մարդկային չնչին խոր-
հուրդը կատարվում է թմեկի և փողի ձայնով,
մարդու բարկութիւնը արտայայտվում է իւր
սաստկութեան համեմատ—երկիրը թնդեցնելով
կամ փոթորիկ հանելով։ Իսկ Աստուած գործում է
համբերութեամբ, և Իւր ծառաների սիրտը շար-
ժում է մեղմ, քնքոյշ ձայներով։ Մարդկանց աշ-
քում որ և է Տիրերիտո կայսր, Վայափա իւր ե-
փուղով, Պիղատոս իւր ատեանի մէջ—մեծ մար-
դիկ են։ Աստուծոյ առաջ այդպիսի մարդկային
փոքր մեծութեան մանր փառաւորութիւնները,
ոչինչ բաներ են։ Ամենայն ժամանակների և աշ-
խարհների Տէրը մեզ մօտ իջաւ լուութեան և
մթութեան մէջ, որպէս նորածին փոքր մանուկ։

* Փարսի Բարդեսանի մի ժողովածուի (25 հաս-
խար.) քաղցմանութիւնը պատշաճ է արագորոշեմ
համար, որոնց մէջն է նաև առաջիկայ քաղոգը։